

docriver 文川网  
入驻商家 古籍书城  
在文川网搜索古籍书城 获取更多电子书

中國方志叢書·華北地方·第三十七號


據 民國李樹德修董瑤林纂 影印  
民國二十四年鉛本

山東省

# 德縣志

(一)

成文出版社印行



中國方志叢書·華北地方·第三十七號

據 民國李樹德修董瑤林纂 民國二十四年鉛本 影印

山東省


德

縣

志

(二)

成文出版社印行



\*10107723\*

中華民國五十七年三月臺一版

# 德 縣 志

全二册

定價：新台幣四八〇元正

發行人：**黃 成 助**

臺北郵政信箱二二六〇五號

出版者：**成 文 出 版 社**

臺北郵政信箱二二六〇五號  
電話：九二二〇一〇號

印刷者：**正 大 印 製 廠**

三重市長生街二號之一




內政部登記證內版臺業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

德  
縣  
志

卷之五



序

志乘之作非僅存掌故已也運會盛衰風俗淳薄與一切政治人民誠大誠小莫不備具嘗讀郡國利病書於山川之形勢關隘之險夷有慨乎言之深心人別有懷抱所以為守土垂戒者至遠且大是則邑乘之存亡固邦人士之責實官斯土者所宜倡導也德承乏是邦以來兵燹之餘佳村未靖撫綏瘡痍刻無暇晷茲當大局稍定地方雖平取閱舊志良用慨然蓋志之不修已百數十年於茲矣河山如故鐘簾屢移深慮老成凋謝文獻無徵爰於癸酉歲在本府籌款設會正議編纂復奉

上座飭各縣重修志書之令於是延聘本邑名宿廣於搜羅共襄庶務第所見異辭所聞異辭所傳述又異辭少有舛誤即不足傳信於後抱殘守缺集腋維艱又值改步改玉潛革更維弛懈之間頗費釐訂正在廣搜典籍旁引考徵問余於是年冬董選拔瑤林條爾長辭

德縣志 卷一

序

乙亥春余選拔朝珍忽焉被難奪我哲人失我左臂兩度波折幾至中阻值茲全書告成幸觀厥成體例則精之又精考核則審而又審披卷瞭然如指諸掌深嘉諸君之相與有成也爰誌顛末以心來茲俾知後之視今亦猶今之視昔勿墜前修以垂永久少紓與黎庶同休共戚之願云爾

中華民國二十四年十二月德縣縣長益津李樹德撰序

序

癸酉歲同人等應邑侯李公之聘編修縣志推董君瑤林為副纂佐李公總其役任事之初董君摩書周詳復集同人而語曰夫志書之應修與修書之應在吾輩亦何足論惟是國體既變新政日繁舊學寢微文風日減以日減之文括日新之政欲其詳盡無謬也難矣不見夫前志乎金志之成山蓋議之王志之成東圃皆之惟其有嘗議而真切確當之處亦因之而益顯是書若成安知無山蓋東圃其人者嘗議其後乎然慮後人之嘗議而遂中止則又非作者之用心矣作者之用心惟求其詳求其盡求其確切不移其宗旨在乎徵信而典贍其歸宿在乎正人心而厚風俗為其有戒前車故於百四餘年之事務宜悉心採訪力求簡賅惟恐其或遺也立言持論惟恐其不當也至於學識不到才力不及致以無意之謬竟來春秋之責備亦不得而學問以長其不及見乎則藉一時之誤重百世之鑑而史法以昭抑更有說焉其能引經據典遠稽條證如山蓋東圃之宏博則其時人文蔚起世教休明又可預卜矣是則瑤林與諸同人所為心香默祝者也嗚呼觀董君之語可知其於修志之責引為己任非第勞怨不辭抑且虛懷若谷也不圖役未及半而董君竟赴召玉樓矣惜哉同人等服膺董君之言繼續董君之業謹慎將事越一載勉成志書十六卷將付梓爰錄董君之語刊諸簡端以代序言云爾

德縣志 卷一

序

中華民國二十四年乙亥冬月分纂同人等謹識

德縣志卷一

凡例

一志猶史也善志綱目較乘似乎漫無統紀今則列為八門每門節目條分縷晰庶幾綱領具備眉目一清

一舊志於清乾隆五十三年重修迄今百四有六載歷年既已久遠加以清末裁撤各官署檔案散佚而縣公署案卷在民國十七年以前者又復燬於兵燹舉凡制度典章文物搜求殊屬困難是以開始議修各界分任採訪並先通佈曉諭邦人士如有藏稿雖片言隻字有獻必納凡可徵信者細審詳核悉為登載以期無溢無遺

德縣志卷一

凡例

一舊志修於帝制時代現在國體更易體例自應不同此次重修相度時宜酌量變通以不違世道不背人心為宗旨

一本邑志書一修於明萬曆四年知州唐公文華是為唐志再修於明天啓五年知州安公受善是為安志三修於清康熙二十二年知州金公祉彭是為金志四修於清乾隆五十三年知州王公道亨是為王志唐志安志今皆不見現存者僅有金玉兩志然內多齟齬邑前賢李東圃先生特著州志考異一書力贊王志之誤引據志史以證其非今彙集各編互相考證並參以本省通志及田山巖先生所著之長河志籍考魏仲鶴先生所著之鄉土志呂瑞占先生所輯之桑梓聞見錄等書詳加斟酌分別釐訂雖屬述而不作期在信而有徵

一此次重修凡可以列表者仿史遷年表之例均詳細填表庶乎

醒目便於檢査

一輿地志沿革河渠二目金玉兩志互有抵牾惟鄉土志於此兩項考據頗為詳明用特採錄既可信而有徵復以表彰前賢並將舊志連河南岸堤埝分段管理各條附載於河渠之後以明當年之界限

一前清康乾兩帝乘輿南巡屢莅此邦詔賦免役賞賚迭加舊志列於卷首今非其時特擗列於紀事之中以備參考

一踈度一目本諸天位乎上地位乎下之義列入輿地志內惟舊志所載僅有北極出地度數似未詳盡茲按邑人魏漁山先生所著天文踈度一書復用儀器實施觀測並附以踈度表庶較精詳

德縣志卷一

凡例

一明清兩代州衛分治壤地犬牙相錯最易混淆自清末裁衛附近各縣之衛地屯所分併於各縣管理其併入本縣者於民國初年全縣劃分九區悉歸納於九區之中今依現在之規定分區繪圖並將舊志所載甲保村屯之沿革變遷擇要節錄以及舊有今無舊無今有之村莊分別列表以著今昔之不同

一城郭祠廟古蹟各目舊志所載凡經州志考異駁詰者悉據原引之書參互考核並依據通志細審訂正其無確據者酌為刪去庶免牽強附會之弊

一田賦一目舊志所載頗屬詳明按照採錄凡土地之新收升科及豁除估壓各項均照採訪所得登列惟自民國初年地丁改徵銀洋每兩攤合數目屢有變更田賦附加稅亦時有增減且



案卷不全殊難詳稽僅將調查所得者列入以資考核

一政治志舉凡行政各機關以現行者為準則悉照來稿登載間有得諸採訪與傳聞者難免有疏漏簡略之處

一學校有志所以正文風而端上習自唐貞觀詔各州縣皆立孔子廟後世附以學宮藉為講學之所既以表廟貌之尊嚴復以徵文教之昌盛此次修志謹將聖廟列於學校志首備將配享及從祀兩廡之先聖先賢依次排列略加註釋並附以書院資興義學以誌當年廟學之制度而發科人士依照舊志貢舉之例則列表附焉

一自清末停止科試興辦新學學校制度一變今與昔既然不同自難與科舉時代相混故特另列一卷舉凡教育行政及各校

德縣志

卷一

五

概况分晰登載有可列表者均詳細填表以便檢查至於學校畢業生亦仿舊志科第以五頁為限之辦法凡舊制中學以上各校及與舊制中學相等各校畢業者均行登載當開始纂修時曾由第五科登報通告邑中合格畢業生限期赴科登記或以書面通知以資編入茲雖依照第五科來表聲訪聞憶及者

一一序列然恐遺漏殊多

一官蹟志循舊志體例凡政績卓著者官不論大小職不分文武均為列傳以彰賢聲但以既去者為限並附以職官表分別文武主客按年臚列以便考查

一金志宦蹟傳載漢蕭公望之以迄金王公擴等二十五人王志悉為沙汰惟諸公理應載紀李東圃先生州志考異辨論其詳

且其中多有已秩祀典者今復按金志依次叙列至王志所增郭鈞等數人曾被州志考異駁詰故未採錄

一人物為鄉邦重望載之志乘上以備國史之採擇下以為閭里所矜式已往之文武賢哲載在前志昭然可考自清乾隆五十四年而後志書失修百有六年其間哲人已往遺典無存文獻幾於無徵幸賴馬葛村先生輯有陵州耆舊集一書一遵盧雅兩先生山左詩鈔體例均系作者小傳今依是集及鄉土志等書並得諸鄉里傳聞者將百餘年來之耆英事跡以次列傳傳者傳也所以傳信於後也首列大儒董子次之以耆英忠義孝行齒德立身樹品雖非一致要皆以正誼明道為宗而不營營於功利者也但歷年已久採訪仍恐未周遺漏之處在所難

德縣志

卷一

六

免

一前賢之學行既已備載乃有文職顯榮抑或武功赫奕或崇受子孫之封或恩邀先代之廕或勤勞國事而得保舉或熱心公益而獲獎勵亦何敢輕而忽之仍循舊志體例而一一附焉

一閨範一志所以標婦則示激勸也德邑向稱禮義之邦貞女烈婦代有其人或奉親教子賢孝著稱或青年居婦柏舟矢志或仰藥以殉夫或就死以全節其立志持躬一種百折不回之氣概直與忠臣義士同一堅決稍有遺漏實載筆者之咎也本志悉依次登載庶足以彰潛德而發幽光

一舊志真節一目僅載三百餘人此次新增一千三百餘人大半錄自通志及採諸檔案與訪聞然通志所載德邑節烈有傳者

僅三四人餘則均著姓氏而無傳茲依其體例除事蹟卓著有可尋查者系以小傳其無事蹟可考者守節育孤事屬從同亦皆祇誌姓氏惟儒學裁撤檔案已失深恐尚有漏列者焉

一風土一志所以覘人情之淳薄驗物土之良窳舊志無風俗之記載物產亦僅列其名今者民智日開風化變遷舊日之習俗或被淘汰而無傳特將婚嫁喪葬祭祀之概况歲時節令之習尚略為載紀以期懲前毖後返樸還淳而進於大同種族慈善以次附之至物產一目亦逐一粗為詮釋俾人知所抉擇有益者與之有害者除之以利民用而厚民生

一藝文載諸志乘係循孟堅漢書之例非但誌人文之盛亦以有志者隨時隨地隨事或紀之以文或託諸詩歌皆足以徵往古

德縣志

九例

而示來茲本志所載先文而後詩蓋以文以載道詩以抒懷編次按年復分內外以區別客主而便於察閱

一清代康乾兩帝南巡過此每有歌詠特另彙一編附於藝文詩後以免混淆  
一金志所載藝文王志採錄時文外文內兩編多有節刪改易之處此次重修悉照金志分別更正俾閱者得見廬山面目  
一此次重修一切記載截至民國十四年止以後之事統希下屆編纂以不限制

德縣志目錄

卷一

總目

序

凡例

目錄

修志姓名

舊志序跋

圖繪

卷二

輿地志

德縣志

沿革

紀事

卷三

輿地志

踴度

疆域

河渠

卷四

輿地志

城郭

公署

局所	法團	工廠	倉庫	關樞	橋梁	祠廟	坊表	冢墓	古蹟	園亭	金石	卷五	德縣志	目錄	九
											政治志	政治志	德縣志		
											戶口	政治志	德縣志		
											田賦	政治志	德縣志		
												政治志	德縣志		
												行政	德縣志		
												財政	德縣志		
												建設	德縣志		
												公安	德縣志		

法院	政黨	自治	民團	郵政	鐵路	電報	電話	汽車路	卷七	學校志	廟制	學制	寶興	書院	義學	貢舉表	卷八	學校志	教育沿革	教育組織	教育經費	德縣志	目錄	十

歷任教育人員表	現任教育人員表	縣立各學	省立中學	私立各學	民衆教育	學校畢業生姓名表	卷九	官蹟志	政績	職官表	德縣志	卷一	目錄	十一
人物志	大儒	善英	卷十一	人物志	忠義	孝行	齒德	文職	武職					

封贈	恩蔭	保舉	孝廉方正	善民	優行獎勵	卷十二	閨範志	賢孝	懿節	貞烈	德縣志	卷一	目錄	十二
風土志	禮俗	種族	宗教	慈善	商務	物產	卷十四	藝文志	文外編					

卷十五	藝文志	文內編	邑人著作
卷十六	藝文志	詩外編	詩內編
			康乾詩壇
德縣志	卷一	四	十三

德縣縣長兼文獻委員會委員長

李植仁



德縣文獻委員會志職員合影

李 玉 雙	張 樸 民	呂 晴 川
徐 毓 亭	董 佐 泉	趙 鳳 岑
徐 蘊 穎	李 植 仁	田 學 山
存 月 泉		田 雅 泉



民國二十四年四月

修志姓名

督修

德縣縣長兼文獻委員會委員長 **李樹德** 河北霸縣人

協修

德縣縣政府第五科科長兼文獻委員會委員 **梁廷璋** 扶黃邑人

監修

德縣縣政府第三科科長兼文獻委員會委員 **陳永和** 如邑人

副總纂

德縣文獻委員會委員 **董瑞林** 芝邑人

分纂

德縣文獻委員會委員 **田 雷** 學山邑人

德縣志卷一

修志姓名

德縣文獻委員會委員 **金朝珍** 瑞邑人

德縣文獻委員會委員 **趙廷瑞** 瑞邑人

德縣文獻委員會委員 **呂大激** 晴川邑人

德縣文獻委員會委員 **存 鑑** 月北邑人

德縣文獻委員會委員 **田種民** 泉邑人

德縣文獻委員會委員 **魏廉敬** 雜邑人

德縣文獻委員會委員 **徐思詠** 雜邑人

德縣文獻委員會委員 **李珏生** 玉邑人

德縣文獻委員會委員 **張開魯** 野縣人

德縣文獻委員會委員 **徐乃真** 邑人

分校

德縣縣政府秘書兼文獻委員會委員	凌瀟	茶河	南	人
德縣縣政府秘書兼文獻委員會委員	譚撫塵	河北	文安縣	人
德縣縣政府第一科科長兼文獻委員會委員	徐敬修	河北	霸縣	人
德縣縣政府第二科科長兼文獻委員會委員	董佐泉	壽光	縣	人
德縣縣文獻委員會委員	李銑	之	邑	人
德縣縣文獻委員會委員	吳光弼	補	邑	人
<b>採訪</b>				
德縣縣政府第四科科長兼文獻委員會委員	王朝棟	潁	平	原縣
德縣公安局局長兼文獻委員會委員	陳俊德	明	子	河南
德縣省立中學校校長兼文獻委員會委員	程士珩	臨	胸	縣
德縣私立博術中學校校長兼文獻委員會委員	王元信	平	原	縣
<b>德縣志</b> 卷一 德志姓名 十五				
德縣縣立高等小學校校長兼文獻委員會委員	楊慶堂	承	邑	人
德縣縣立高等小學校校長兼文獻委員會委員	安奉璋	義	邑	人
德縣商會會長兼文獻委員會委員	孫金鈞	聊	城	縣
德縣國術館館長兼文獻委員會委員	李蔭梧	朝	邑	人
德縣縣文獻委員會委員	張巧嵐	生	邑	人
德縣縣文獻委員會委員	安樹德	身	邑	人
德縣縣文獻委員會委員	呂鼎元	新	邑	人
德縣縣文獻委員會委員	盧晉升	符	邑	人
德縣縣文獻委員會委員	孫金城	延	邑	人
德縣縣文獻委員會委員	武蔭培	生	邑	人
德縣縣文獻委員會委員	馬子涓	符	邑	人

德縣縣文獻委員會委員	王祖槐	三	邑	人
德縣縣文獻委員會委員	魏振鏞	東	邑	人
德縣縣文獻委員會委員	魏有勳	德	邑	人
德縣縣文獻委員會委員	孫永豐	德	邑	人
德縣縣文獻委員會委員	任己	任	邑	人
德縣縣文獻委員會委員	楊鳳台	邑	人	
德縣縣文獻委員會委員	張信成	邑	人	
德縣縣文獻委員會委員	于連科	邑	人	
德縣縣文獻委員會委員	王樹梅	邑	人	
<b>書記</b>				
德縣縣文獻委員會書記兼會計	高濟生	河北	霸縣	人
<b>德縣志</b> 卷一 德志姓名 十六				

德州志原序

明唐文華

夫志誌也乃古史之遺意蓋凡郡邑必有志所以載往徵來備覽觀而垂久遠俾境以內山川人物風化瞭在目中原係豈淺鮮哉惜世之爲志者猶藻眩奇枝葉耳矣其於根本篤實之地歉然也如志何予政餘嘗覽德志見其浮舛混淆漫無統紀且板式慢藏致人更竄良可慨也茲德庠李掌教學博識融議清志一與之商確重創奮然爲之採以輿論決以真聞某月稿就獻予乃知井井不紊簡直弗靡真足以永其傳者謹命梓刊之在丙子孟秋初旬日也是爲序

德縣志卷一

舊志序

十七

德州志跋

明李翰

萬曆甲戌懷慶唐公文華以經濟長才刺史德州甫期月政通人和百廢具舉以德州舊志浮舛混淆漫無統紀命予重輯予訪諸故老稽其舊聞據事約理不敢漫爲之說志草雖就慚汚汗簡恐後之病今尤甚於今之病昔也爰就正於大中丞小東馬公大方伯靜泉程公大參新所張公皆藝苑宗匠史館名家各據見聞嚴加斧斲始纂成志筆削之功三公懋厥勞焉呈諸刺史以定準裁刺史曰是志也草創於李學博而討論修飾則程張二公考其實若潤色則中丞馬公責其章勒成一書德郡之事瞭然在目矣奚容損益爲哉爰命鐫梓以永其傳予敬跋於未云

德縣志卷一

舊志跋

十八



重修德州志序

清金祖彭

國有史郡有志史以紀一代之興衰志以紀一方之得失志者史之權輿也俗吏之務在乎簿書期會而不知道法之實至於帖括之儒又多以非所習而罕究心焉掌故之日溲而舊聞之放失有由來矣自非其地之薦紳先生卓然抱當世之略而成一家之言則華陽人物之書陳留風俗之志亦烏得以垂於後代乎德為山東第一州錯壤三輔縮轂東南近擬神泉遠輸天庾其地亦秦重矣州之志書為明萬曆四年唐侯文華所作其於典故已多漏轍迄今又九十餘年其間賢才之蔚起節烈之挺生科名之踵武以至詞人之所留連使客之所題詠並泯而無徵况自興朝定鼎凡兵屯地敵力役之制一切更絃不為記載委之胥吏將日就剝缺此有民社者之責也州人

德縣志 卷一 志序

一九

工部員外程君正夫家學青細文壇彩筆博聞往牒邇達國體林居二十六年不交世務所輯之書名曰德州詩搜德州文搜所著之詩名曰德州先賢詩凡若干卷而又以郡乘缺遺莫備職方之探蒐羅故實為志草十篇會玉峰顧寧人先生至此相與溯論古昔考正疑誤書垂成而正夫奄然以物正夫為人外和內介非公不至余待罪三載自愧塵俗未獲請事於懸遺之日而猶幸是書之存足為此邦文獻適天子有纂修方志之命乃屬仲啟君彙瞻星來二李君補而刻之昔相如既卒始有茂陵之求孫盛云亡乃出枋頭之史豈若今之格墨宛然儀型如接邦人誦立言之不朽聘客歎周禮之猶在者乎余得藉手以道俗史之譏實為多幸而猶冀後之博物君子紹聞廣業以永此邦之傳則一方治術民風必賴之矣

德州志略序

程先貞

德州舊志元不可讀先貞忝在後學竊取遺言作志略拾諸斷碑殘碣剝簡餘編汲汲如恐不及未暇浣飾厥詞也業既卒作而歎曰舊志稱德州曰貴禮尚義長老有勳儉之範子弟多絃誦之風又曰人尚忠勇家業農桑風俗淳厚夫數百年之前吾不能知自吾耳目所聞見與斯語亦略相近人有收行則措躬無地不復為鄉里齒三代直道猶在人心今則儼然凌駕於士大夫之間即使明知其非乃姑相與容之也卑幼到尊長家皆自處客位上坐先行甚至五服猶子亦復如此禮之不存情於何有又如史胥與曩之類字謂縉紳絕無上下之體又如奴婢無常主飢則來附飽即去視其主如路人矣凡此數者雖若細故關係最大不知起自何時至今為厲也所謂

德縣志 卷一 志序

二十一

貴禮尚義風俗淳厚者在哉今士大夫當何如思所以返之且令公是公非不昧於所指節文率由舊章名分悉稟成約然後徐商其餘耶至於田土由闢而荒戶口由衆而寡賦役由省而繁財費由約而侈物產由富而貧吏治由良而奸即以此推之天下恐不獨一德為然信陽何仲默先生言之矣願主持政教者之責非吾輩之所敢知也則予也不佞亦猶不賢者識其小云

docsriver 文川网  
入驻商家 古籍书城

在文川网搜索古籍书城 获取更多电子书

德州志跋

清獻堂

郡邑之有志猶國之有史也然史之與志有異史略而志詳史實而志獨紀郡邑之善蹟以為戒所紀天下之事善惡並列每不勝書而志獨紀郡邑之善蹟以為勸可以備載而無遺此史與志之異也然則志之有傳其可傳者也其不可傳者勿以傳為是又作者之責與吾州乘行已編緝成書而同人以人物志示余首先儒次鄉賢孝子節婦次之仙釋又次之歷漢唐以來千餘年間道德文章後先接武豈不盛哉豈不盛哉是其地近鄒魯風教猶存故士重廉恥敦禮義而庸人婦女亦知盡孝伏節蓋人物之可志者不勝紀也乃弁其首者則漢董仲舒夫仲舒一代大儒其言曰正其誼不謀其利明其道不計其功今誦其言想見其人學士大夫立身行己苟正誼明道而不營於功利則郡乘志之闕史記之其人亦仲舒矣又何必飾一行以邀身後名耶是人物一志所傳信乃足以示勸而志之全書視遠矣是編也捐俸而董其成者金侯大年也採輯而紀其事者故友程子正夫也考校而力襄其役者友人趙子仲啟李子霖瞻李子星來也操觚而文其辭者崑山顧子寧人也讀人物志而跋於州志之後者州人蕭惟傑也

德縣志 卷一

舊志跋

重修德州志序

清王道亨

志者史之餘也其體裁與史異而其鑑別得失與史略同考古則以史經為據紀載時事則綱舉目張洪纖畢備總歸於信而可傳而後已道亨承乏德州查志乘不修已閱百十五載矣其殆守茲土者視為無關切要置之不論與此固容或有之而不盡然也德自明初以迄於今賢士大夫接踵而起往往據其所見著述成書金志以程正夫志草為根柢其明徵也然所學不同所見各異故亦往往有各執一見柄鑿不入互相駁詰者道亨既知從前屢修而屢不成大率以意見齟齬而止其將因噎廢餐亦遂置之不論與夫其地其人其事必生長於斯者能周知其故志之不能不借證於是邦之士大夫明突然于各出所見折衷而衡定之則守土吏之權也於是周詢士庶旁求職書搜羅逸稿州人士以其所著述獻考古各不同如沿革河渠等篇或以史漢為主或以水經注為主案水經為桑欽所撰鄆道元始言之班氏藝文志並未載水經名目可見水經即果係桑欽所撰亦屬撰而未成之書道元取而踵成之者道元北魏人去漢已遠往往以漢之故道指為禹之故道豈不想水性靡常一時有一時之故道夫既曰故道則水不由此中行勢必變為桑田年近則猶有河形年遠則形跡全無豈有千百年後之桑田猶得確指為千百年前某水故道耶其至北魏時猶得確指為故道者是漢故道非禹故道較然矣不若史漢以當代之人紀當代之事近而足據故竟木史漢為根柢此考古之歸於信而可傳也至疆域田賦建置政事宦蹟人物孝子節婦事求其實在傳後之覽者一目瞭然此時事之歸

德縣志 卷一

舊志序

二十一

於信而可傳也士大夫幸生聖世躬被教化庸言是謹庸德是行道  
亨之志也事或有涉於隱怪雜乎異端者其事本不可信而願傳之  
於書竊恐其惑世誣民恣而為邪說之宗也雖舊志所載必刪之道  
亨既守德以修志為必當行之事惟知據道亨所權衡以為是者纂  
述之而已既成而或議其後其是與非當世必有能辨之者

德縣志

卷一

二十三

重修德州志序

葛正華

事之成與不成殆有數焉不可強也余待罪督漕八年於茲矣每見  
州之志乘歷百餘年弗修余竊然懼其久而湮也乾隆四十六年辛  
丑州牧萬君始從事於此余欣然曰志成有日矣一時士大夫紛紛  
出其所著述呈之於余余得縱覽焉其中得失未之深考也既而萬  
君設館始事余以州人吳西嶺所著書二種付志館以備採選余弗  
知秉筆者果採選否未幾萬君以事去官志迄於無成余為之憮然  
閱六年丁未王君來攝州事甫下車即以修志為己任延余同年張  
君夢靜與其弟孝廉彈劄為贊襄厥事張君昆仲皆深於古者余又  
為之欣然於是士大夫紛紛各呈其所著述於王君如前呈余時余  
知其各執一說參差不一勞若道旁築室又愜然慮志之仍迄於無  
成也王君深知其故而於紛紛來呈者悉納之不置可否與二張君  
權衡而裁定之閱數月志竟告成矣嘻異哉何前此成之甚難而今  
成之若是易也王君以一帙質之余余取而讀之不支不蔓詞簡而  
旨明事核其體委念念繫乎生民考核則甚詳辨論則甚醒評斷  
則甚確以張君之筆達王君之意洵於志乘中獨開生面非有定識  
定力弗及此余乃暢然曰今日德州志果成矣余嘉王君之不撓於  
筆議而快余之究竟目觀其告成也并數言以志喜

德縣志

卷一

二十四

圖繪目錄

縣境全圖

九區分圖

孔廟圖

河渠圖

縣政府圖

法院圖

監獄圖

省立德縣初級中學圖

縣立師範講習所圖

縣立第一高等小學校圖

德縣志 卷一

圖繪目錄

縣立第一高等小學校圖

民衆教育館圖

二十五

德縣志卷一

輿地志

沿革 紀事 輿度 疆域 河渠 城郭  
公署 局所 法團 工廠 倉庫 關推  
橋梁 廟 坊表 家墓 古蹟 關亭

溯自禹蹟茫茫施隨刊以奠為平陸周原騰騰循高下而別為郊  
圻禹貢一書聖人之經營此輿地者原非易易曰九河既道言水  
順其就下之勢又曰是降邱宅土言水退安厥攸居之形考南津  
為九河之一禹平水土而封有南氏之國秦置南縣隋唐為長河  
長河者即今縣是矣在昔滄野分疆邑境係屬兗州辨節氣以著  
踈度詳村鎮以明疆域除水患斯有河渠謀保衛則築城郭歷年  
既久沿革斯生重大之事登諸載紀此輿地之經也設官署以理  
政治修倉庫以儲餉稍建橋梁以利往來局所關樞各專責成工  
德縣志 卷一 輿地志

廠法團實求利益此輿地之緯也更有祠廟林墓所以格神明昭  
靈爽也古蹟園亭所以資觀覽寄湖洄也坊表金石所以表名譽  
徵編爛也此又輿地之經緯既成而彰施以文采也輿地之上既  
燦然而大備記載之書當釐然序列之矣

德縣志卷一

輿地志 沿革 紀事

沿革

表

唐

兗州地

虞

兗州地

德縣志 卷一 沿革

夏

兗州地封有南氏之國

商

兗州地

周

春秋屬齊戰國屬齊後屬趙

秦

齊郡

漢

東境爲安德漢縣縣地屬平

原郡西北境爲南縣地屬平

原郡西南境爲繹幕縣地屬

清河郡新莽時安德屬屬定

安公國

後漢

東境爲安德侯國地屬青州

平原郡西北境爲南侯國地

屬青州平原郡西南境爲繹

幕縣地屬冀州清河國

德縣志 卷二

輿地志 沿革

三國魏

東境爲安德縣地屬平原國

西北境爲南縣地西南境爲

繹幕縣地

晉

東境爲安德縣地屬冀州平

原國西北境爲南縣地屬冀

州平原國西南境爲繹幕縣

地屬冀州清河國

石趙

東境爲安德縣地屬青州平

原郡西北境爲南縣地西南

境爲繹幕縣地

前燕前秦後燕南燕同

劉宋

東境爲安德縣地屬冀州平

原郡西北境爲南縣地屬冀

州平原郡西南境爲繹幕縣

地屬冀州清河郡

德縣志 卷二

輿地志 沿革

北魏

東境爲安德縣地屬冀州安

德郡安德郡北魏西北境爲

南縣地屬冀州安德郡西南

境爲繹幕縣地屬冀州安德

郡

北齊

東境爲安德縣地屬安德王

國西北境爲南縣地西南境

爲繹幕縣地

北周

東境為安德縣地屬安德郡  
西北境為南縣地西南境為  
繹幕縣地

隋

東境為安德縣地屬德州  
改隋  
後屬兗州平原  
州治安德縣  
郡 改德州為平原 開皇十  
六年分安德縣北境置將陵  
縣屬平原郡西境置新廣川  
縣 在舊廣川縣東八十里舊  
廣川縣在今河北棗強縣  
東三 尋改名長河縣屬平原  
郡西北境南縣西南境繹幕  
縣並廢

唐

東境為安德縣地屬河北道  
德州 唐改平原郡為 天寶後  
屬平原郡 天寶元年改德州  
為平原郡仍治安  
德乾元後屬德州 乾元元年  
復改平原  
郡為德州治安德縣領縣五  
曰安德曰將陵曰平原曰長  
河曰 北境為將陵縣地屬德  
州西境為長河縣地屬德州  
長河縣後移治白橋

後梁

東境為安德縣地屬德州 德州  
北境為將陵縣地屬德  
州西境為長河縣地屬德州  
長河縣  
治白橋

後唐

東境為安德縣地屬德州 德州  
北境為將陵縣地屬德  
州西境為長河縣地屬德州

後晉

東境為安德縣地屬德州 德州  
移治長 北境為將陵縣地屬  
德州西境為長河縣地屬德  
州 長河縣為  
德州治

後漢

東境為安德縣地屬德州 德州  
北境為將陵縣地屬德  
州西境為長河縣地屬德州  
長河縣為  
德州治

後周

東境為安德縣地屬德州 德州  
復移治 西境長河縣廢為鎮  
歸併北境將陵縣



宋

東境為安德縣地屬河北東

路德州德州治安德縣景德後德州

屬永靜軍北境將陵縣移治

於西境長河鎮按金志景德元年改景州

為永靜軍縣屬縣景德元年移治於長河鎮

金

東境為安德縣地屬山東西

路德州德州治安德縣西境為將陵

縣地屬景州按金志大安州改景州為觀州

後割將陵縣東北境置吳橋

縣屬景州

元

東境為安德縣地屬德州德州

治安西境將陵縣憲宗二年

改屬河間府是年升為陵州

隸濟南路至元二年復降為

將陵縣三年復升為陵州廢

故城縣為鎮入焉隸河間路

二十三年割陵州西南境別

立故城縣

明

東境為安德縣地屬德州德州

治安西境陵州洪武元年降

為陵縣七年廢陵縣移德州

治此併廢安德縣入焉鎮德

平平原二縣屬濟南府十三

年復割安德廢縣東境別置

陵縣

洪武九年設德州正衛永樂

五年增置左衛州衛同城而

治其軍屯半散寄於州境

德縣志 卷一 輿地志 沿革

七

清

德州屬濟南府初仍領德平

平原二縣雍正三年撥德平

平原縣二縣屬濟南府德州

定為散州

康熙七年裁左衛歸併正衛

光緒二十八年復裁正衛軍

屯半併於州境半併於附近

各縣

民國

德州改為德縣屬濟西道二

年改屬東臨道十四年改屬

德臨道十七年直屬山東省

政府

德縣志 卷一 輿地志 沿革

八

紀事	唐虞 禹疏九河	夏 封有禹氏之國	殷 盤庚元祀河圻于邢	周 封太公於齊賜履西至河 厲國以際河朔之間爲戎所據桓公略地復收入於齊 齊桓公救燕經由今縣地	德 縣志 卷一 輿地志 紀事 春秋傳魯襄公二十五年八月諸侯同盟於重邱經由今縣地 燕侵河上齊景公禦燕經由今縣地 齊匡章伐燕經由今縣地 燕樂毅將諸侯之師取齊靈邱破之濟西經由今縣地	秦 郡縣天下築南縣城	西漢 高帝四年韓信攻破歷下軍還定濟北取南城臨平原郡南縣 屬焉 文帝十六年封齊悼惠王子白石侯雄渠爲膠東王 白石在 縣境
----	------------	-------------	---------------	--	--	---------------	--

河決館陶開屯氏三瀆	王莽封孺子嬰爲安定公以平原安德漯陰南重邱爲安定公 國	東漢 南縣五大姓據城反吳漢收其守長五姓降	晉 武帝咸寧五年白麟見 燕慕容垂擒段勤於釋幕經由今縣地	北魏 太和十二年桓天生引兵據南城南齊曹虎大破之拔南城 十四年齊歸魏南城之俘	德 縣志 卷一 輿地志 紀事 移南縣治於臨齊城	隋 開皇初廢南縣入安樂縣立釋幕縣 六年並廢釋幕縣入安樂縣立廣川縣 仁壽元年改廣川縣名長河縣 大業四年開永濟渠 十二年涿郡通守郭絢討高士達於長河爲竇建德所襲死之	唐 天寶十四年平原太守顏真卿起兵討安祿山兵過長河 興元元年成德軍節度使于武俊由白橋渡河擊滅朱滔取德 棣二州
-----------	-------------------------------	-------------------------	-----------------------------------	---	-------------------------------	--	--

貞元元年建永慶慈氏二寺

元和四年成德節度使士貞卒子承宗自為留後割德棣二

州上獻詔以薛昌朝為觀察使九月承宗劫昌朝囚之十月

私移長河縣於永濟河西岸帝以田渙為二州團練使詔令

歸昌朝承宗拒命帝遣吐突承璀討之

十年又移置長河縣於河東小胡城

十一年程權敗承宗於長河

十二年承宗以兵一萬入東光

十三年承宗復獻德棣二州敕承宗六月給復德棣滄景四州

一年

王廷湊獻景州仍據弓高樂陵長河三縣

德縣志卷二 輿地志 紀事

光化元年宋濞敗劉守文軍自魏至於長河

後晉

天福元年移德州治長河縣以安德來屬設沿河巡檢

按晉割十六州於契丹長河縣小弱移德州鎮之

開運元年契丹麻答陷德州執刺史尹居璠沿河巡檢使梁進

以社兵復之

後周

顯德九年以德州還治安德縣廢長河縣為長河鎮

宋

景祐元年移將陵縣治長河鎮

二年廢安陵入將陵

皇祐元年河決入永濟渠

嘉祐五年河決魏州東流經將陵東南境

熙寧七年八月地震

紹聖元年河決將陵埽壞民田

金

立劉豫於齊濟南屬焉

按將陵縣當時亦屬偽齊

擒劉豫兵經由今縣地

按劉豫將被擒是隕于平原鎮今落星坡是也

天會初割將陵縣北半立吳橋縣

七年置漕倉於將陵

德縣志卷二 輿地志 紀事

大定九年冬飢賑

十六年旱蝗免租賦

二十年免十九年租賦

二十七年命將陵等縣官帶鈎管河防事

大安二年六月霖雨大飢

興定四年封王福為滄海公以將陵隸之福以所隸降於元

元

太祖元年初帝與皇子托哩取河間滄景等州

按將陵縣時屬景州

太宗時元帥何定遇寇於將陵擒殺之

憲宗三年改將陵隸河間路旋又升將陵縣為陵州隸濟南路

中統三年濟南李壇反詔籍兵守城	四年陵州達魯花赤蒙哥戰死詔其子忙兀帶襲職	至元元年大水	二年旱蝗	降陵州仍為將陵縣	三年復升將陵縣為陵州廢故城縣為鎮入焉復隸河間路	改將陵倉為陵州倉設監支大使等官	五年大水免田租	八年蝗	十九年旱二十年緩征	二十一年大水	德縣志 卷二 輿地志 紀事 十三	二十二年蝗	河水壞田	二十三年割陵州西南復立故城縣	按金明昌中河北立故城縣元至元三年收入陵州至此又	割陵州立故城縣	二十四年淫雨傷禾	二十六年大水害稼弛河泊之禁	二十七年飢免本歲銀俸鈔秋免賦絲之半又免流民租賦及	雜課冬免通賦	二十八年九月淫雨大水免被災田賦	二十九年發陵州倉米賑
----------------	----------------------	--------	------	----------	-------------------------	-----------------	---------	-----	-----------	--------	------------------	-------	------	----------------	-------------------------	---------	----------	---------------	--------------------------	--------	-----------------	------------

三十一年知州秦政改建儒學	元貞元年旱	大德元年旱減田租	詔天下州縣通立孔廟	三年置捕盜司	七年五月大水稼禾不登	八年免人戶差稅一年	知州衛益之修學宮	十年發陵州倉賑濟	皇慶二年飢減田租	延祐二年飢給糶兩月	德縣志 卷二 輿地志 紀事 十四	知州杜明修學宮	四年河間路總管迪哩禰實收陵州羣兇為民害者繫死於獄	至治元年飢冬賑	二年蝗水五月賑免常賦之半	泰定帝元年六月淫雨水沒田廬稼禾冬賑兩月	二年春飢六月蝗	三年三月賑濟四月減田租	致和元年飢賑鈔	至順二年夏大水十月遣官和糶於通源陵滄四州	至正二年春飢賑鈔	六年春大飢地震
--------------	-------	----------	-----------	--------	------------	-----------	----------	----------	----------	-----------	------------------	---------	--------------------------	---------	--------------	---------------------	---------	-------------	---------	----------------------	----------	---------

七年二月地震

九年知州賈棟修學宮

十七年毛貴亂山東其黨田豐據東昌帝命平章政事達蘭參

知政事諳達中書參知政事崔敬分省陵州

十八年東昌賊將北寇道出陵州也速遜擊於景州斬獲殆盡

明

洪武元年閏七月壬子帝遇春克德州今陵縣八月督都韓政分

兵守陵州

立守禦千戶所

降陵州為陵縣隸濟寧府

二年詔天下州縣立學

德縣志 卷二 輿地志 紀事

詔免田租

六月陵縣改隸德州

三年立里社給戶帖免田租

五年大饑

七年省三縣移德州治焉並廢安德縣入之領平原德平二縣

隸濟寧府

八年詔立社學

七月大水

九年改守禦千戶所為德州衛

十年知州閻九成移學宮

十三年立陵縣於廢安德縣割其明善崇德二鄉屬德州

詔免田租

秋八月詔天下學校師生日給廩膳

十四年造黃冊

十五年詔免山東田租

十六年命天下學校歲貢士於京師

十七年定鄉會科三年一舉

二十三年正月地震

八月水免田租賑濟

二十四年會通河淤自濟寧至良鄉立八遞運所以備陸運由

德州

傅友德調德州衛軍備北平邊

德縣志 卷二 輿地志 紀事

二十六年詔天下州邑衛所植桑棗

二十八年德州大水壞城垣免稅糧

三十年督都張文傑指揮徐福建磚城於城南開密燒磚今南

密上火房二村其遺址也

建浮橋

三十一年免明年田租之半

建文元年二月命督都韓觀練兵於德州

七月燕王棣反九月帝命李景隆至德州合兵五十萬討燕進

營河間韓觀築連城十二於城東北以護倉儲

十一月李景隆及棣戰於鄭村壩敗績奔回德州

二年四月景隆與燕兵戰於白海河敗績奔回德州燕兵隨進

政德州五月景隆奔濟南燕將陳亨張信陷德州收糧百餘萬石八月盛庸鐵鉉領兵復德州帝以庸爲平燕將軍屯德州

三年三月盛庸合兵二十萬與燕兵戰於夾河敗績奔回德州永樂元年蝗飢

二年春賑

九月鑄農器給貧民

十一月地震

五年立德州左衛

置遞運所於城西北

按洪武二十四年立八遞運所德州未立至此始置

德縣志 卷一 輿地志 紀事

除通賦

六年除荒地租

七年十二月賜民頻年遞運者田租一年

九年知州何原建壇爐建城隍廟

治河尙書宋禮疏曾通河入土河開四女樹又名四女寺減水河

置安德馬驛於南關太平馬驛於恩縣北安德水驛於西關梁

莊水驛於城南良店水驛於城北

十年修永慶寺

十二年五月兩雹傷麥

十三年六月大水免田租

置德州漕倉名廣積倉以戶部司員分司倉事

置預備倉

十四年正月飢賑免通賦

七月蝗遣使捕之

十五年蘇祿國東王來朝卒於德州遣官營葬城北諡曰恭定

十九年督都西得卒遣官祭葬於城東北其墓在曹村西北

二十一年用巡按陳濟言德州立廣川關權商稅

洪熙元年詔免山東租稅之半

宣德二年春旱飢勸富者貸民粟

五年命河南山東糧皆運於德州倉

八年遣戶部司員監兌倉米

九年七月旱蝗傷稼飢

德縣志 卷一 輿地志 紀事

十年詔天下衛所立學

四月蝗蝻傷稼

正統元年閏六月大水害禾

二年四月蝗

四年夏連日烈風禾苗盡敗

五年設提督倉務官

六年革廣川關

八年移德州倉三分之一爲京通倉

知州章景元修城建謙樓修學宮

十三年從御史林廷舉之言引潯水入衛河以便漕運自此運

河水渾

docsriver 文川网  
入驻商家 古籍书城

在文川网搜索古籍书城 获取更多电子书

知州鄒銘修學宮

十四年移北廠戶部分司於城東南隅移德州倉於南門內移常豐倉於西門內移預備倉於城隍廟南

景泰元年大水飢

三年大水

十一月遣使撫輯山東流民

四年冬大雨雪人畜凍死

五年大水河溢

知州洪釗修學宮建文昌祠

知州洪釗始編德州志稿

七年恒雨傷田

德縣志

卷二 輿地志 紀事

十九

天順元年封皇子見濤為德王 後移濟南

賜王子見沛田名徽王莊 在今縣境

七月大雨河與堤平大飢人相食

五年改監兌分司為管糧分司

八年立武科

成化三年德藩莊王見濤之嗣

徽王就封均州莊為民田

八年知州楊愷修學宮

九年大飢

知州王縉建鄉賢祠 名曰棠賢堂

詔故刑部侍郎宋性入鄉賢祠

十八年大水

二十年大旱

知州王縉建大橋由黃河游通平原路又建土橋於縣河通陵

縣路

二十一年改太平驛歸恩縣

宏治元年大飢

十二年建董子祠於學宮東

十五年九月地震壞城垣民舍

正德五年知州齊河令四鄉民來居城市築羅城

按劉六劉七之變將作故有是令民既來城令婦女在城內

丁壯在關廟築羅城以衛之羅城繞東關鐵佛寺南關王皇

德縣志

卷二 輿地志 紀事

二十

關西連御河堤

六年春流賊劉六劉七率兵數萬犯州城知州齊河守備桂勇

率兵擊却之

按劉賊自城南豆腐巷渡河齊公率丁壯守羅城桂公勸兵

嚴備城門洞開賊疑不敢入嗣移攻東南入羅城者十餘

人盡殲焉又移攻北門桂公遣騎偵虛實伏兵連城夜縱擊

之賊潰去州境以安

七年黑營見發倉賑濟

八年立大教場於城西南

十六年知州王縉修學宮

嘉靖二年正月地震是年大旱



三年正月湖地震

七年知州何洪大修羅城廣袤二十餘里

八年大飢

九年詔天下學宮易聖賢像為木主

詔建啓聖祠

大水平地丈餘人多溺死

十年詔兩衛士子附州學設廩增及貢額增設訓導一員

十七年大旱

二十年春黃風晝晦飲食以燈

二十三年州人葉洪樹柏三百本於學宮

二十四年知州陳秉忠修學宮

德縣志 卷一 輿地志 紀事

是年建名宦祠於儒學西

二十六年頒御書程子四箴勒石於學宮

三十年蝗飢

三十一年大水傷禾

三十二年元日日食

三十四年地震

三十九年大旱無麥穀

四十年飢大疫

四十一年火災無麥

四十五年知州邢奎修學宮

隆慶元年選義勇武生增立二營以遊擊一都司一分統之一

駐濟南一駐德州

二年旱饑冬大雨雪

三年河決平地水深丈餘

五年正月湖日當食不食

六年河決

萬歷元年秋不雨無麥

二年諭祭光祿寺卿盧宗哲

州人馬九德建石橋於南門外

三年河決

四年知州唐文華始修州志

設參將於德州

德縣志 卷一 輿地志 紀事

十六年勅建韓節婦焚身祠

按節婦係韓承業之妻生員王會禮之女 見國朝志

二十五年河水清

知州劉道修學宮建文昌閣改文昌祠為名宦祠改名宦祠為

學署

三十五年河決大水護城堤障之城市無恙

四十年嘗知州濟南同知孫森大修州城建雁塔建張河閣

移河西流折而北又折而東築廻龍環浮橋西移改東西為南

北

四十三年知州馬明瑞移董子祠於河上建醇儒書院

四十四年夏蝗大飢